



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-31-8-24-3/18.

Datum: 05.01.2018. godine.

Općinski Načelnik Općine Tešanj na osnovu člana 8. stav 3. alineja 9. Zakona o principima lokalne samouprave („Službene novine Federacije BiH“, broj: 49/06 i 51/09), člana 30. Statuta Općine Tešanj („Službeni glasnik Općine Tešanj“, broj: 11/07) i Odluke o davanju ovlaštenja Općinskom Načelniku za zaključivanje ugovora o zakupu („Službeni glasnik Općine Tešanj“, broj: 10/14), objavljuje:

JAVNI OGLAS

Kojim se pozivaju sva zainteresovana lica radi iskazivanja interesa za korištenje zemljišta i održavanje objekata na lokalitetu zv. "Kiseljak" na području Općine Tešanj u površini od cca 50000 m².

Predmetni lokalitet koji je predmet ovog Javnog oglasa, nalazi se neposredno uz "put Tešanj-Jablanica".

Sastavni dio ovog Javnog oglasa je kopija katastarskog plana za K.O. Karadaglije, na kojoj je grafički prikazan predmetni lokalitet.

PERIOD KORIŠTENJA:

Predmetni lokalitet daje se na korištenje u trajanju do 5 (pet) godina.

PRIJAVA NA JAVNI OGLAS:

Uz prijavu na Javni oglas potrebno je dostaviti slijedeće:

- za pravna lica: naziv firme, adresu i kontakt broj telefona,
- za fizička lica: ime i prezime, kopiju lične karte, adresu, kontakt broj telefona,
- Izvod iz sudskog registra/ovjerena kopija Rješenja o registraciji firme od nadležnog organa za pravna i fizička lica,

Program kojim se predviđa način održavanja i korištenja predmetnog zemljišta i objekata, kao i opravdan društveni i ekonomski interes za lokalnu zajednicu (Programom se obavezno treba omogućiti nesmetan pristup i korištenje objekta koji je označen kao k.p.br. 9/3 za K.O. Karadaglije-objekat koji trenutno koriste Izviđači, kao i da se predmetni lokalitet može koristiti u turističko-rekreativne svrhe).

Ovjerenu izjavu ponuđača da će predmetno zemljište koristiti namjenski i održavati, kao i da će održavati postojeće objekte sa pažnjom dobrog domaćina, kao i da će poduzimati samo radnje i aktivnosti koje su u skladu sa važećim prostorno-planskim dokumentom.

Naknadu koju ponuđač nudi na ime korištenja predmetnog zemljišta i objekata na godišnjem nivou.

KRITERIJI:

Prednost će imati onaj ponuđač, koji kumulativno ispuni slijedeće kriterije:

1. Ponudi veću naknadu za korištenje lokaliteta koje je predmet Javnog oglasa.
2. Ponudi bolji Program kojim se predviđa način održavanja i korištenja predmetnog zemljišta i objekata, kao i opravdan društveni i ekonomski interes za lokalnu zajednicu.

MJESTO I ROK ZA DOSTAVU PRIJAVE NA JAVNI OGLAS:

Prijave na Javni oglas sa dokumentacijom dostavljaju se u zatvorenoj koverti na adresu Općina Tešanj, ul. Trg Alije Izetbegovića broj: 1., putem pošte ili predajom na centralnoj pisarnici Općine Tešanj, sa naznakom: „NE OTVARAJ“- Prijava na Javni oglas-„korištenje zemljišta-Kiseljak”.

Krajnji rok za dostavljanje prijava na Javni oglas je **23.01.2018. godine (utorak) do 16,00 sati**.

Nepotpune i neblagovremene prijave neće se uzeti u razmatranje.

Komisija imenovana od strane Načelnika, izvršit će javno otvaranje pristiglih prijava, dana, 24. 01. 2018. godine sa početkom u 14,00 sati u kancelariji broj: 50 (stara sala Vijeća).

Komisija će izvršiti odabir najpovoljnije ponude. Općina Tešanj će sa prvorangiranim ponuđačem zaključiti Ugovor o korištenju zemljišta i objekata, kojim će biti precizirana sva prava i obaveze ugovornih strana.

Ukoliko prvorangirani ponuđač odustane od zaključivanja Ugovora o korištenju zemljištu i objekata, pravo na zaključivanje Ugovora ima slijedeći rangirani ponuđač.

Ukoliko na Javni oglas pristigne jedna prijava, koja je blagovremena i potpuna, Općina Tešanj zadržava pravo da zaključi Ugovor sa tim ponuđačem.

Općina Tešanj ne snosi nikakve troškove prijavljenih ponuđača na ovaj Javni oglas, te zadržava pravo da ovaj Javni oglas ponovi, izmjeni ili poništi bez obaveze obrazlaganja i nema nikakvu odgovornost prema prijavljenim ponuđačima.

Dostavljeno:

1. Oglasna ploča Općine Tešanj.
2. Web stranica Općine Tešanj.
3. Lokalni mediji.
4. U spis i arhiva.



OPĆINSKI NAČELNIK:

Mr. sci. Suad Huskić

